

245

Na osnovu člana 19. stav 2. Zakona o Vladi Federacije Bosne i Hercegovine ("Službene novine Federacije BiH", broj 1/94, 8/95, 58/02, 19/03, 2/06 i 8/06), Vlada Federacije Bosne i Hercegovine, na 165. sjednici održanoj 9. marta 2011. godine, donosi

ODLUKU**I.**

Vlada Federacije Bosne i Hercegovine, a pod uvjetom da se osiguraju dodatna finansijska sredstva u Budžetu Federacije Bosne i Hercegovine za 2011. godinu, utvrđuje sljedeće prioritete za finansiranje:

1. 2.000.000,00 KM na nauku,
2. 2.000.000,00 KM za robne rezerve,
3. 14.000.000,00 KM Zavodu za javno zdravstvo Federacije Bosne i Hercegovine,
4. 10.000.000,00 KM JP "Željeznice Federacije BiH",
5. 45.000.000,00 KM za povrat duga Federalnom zavodu PIO/MIO.

II.

Za realizaciju ove odluke zadužuje se Federalno ministarstvo finansija/financija i budžetski korisnici, svako u okviru svoje nadležnosti.

III.

Ova Odluka stupa na snagu danom davanja saglasnosti od strane Parlamenta Federacije Bosne i Hercegovine.

IV.

Ova Odluka će se objaviti u "Službenim novinama Federacije BiH".

V broj 191/11
9. marta/ožujka 2011. godine
Sarajevo

Premijer
Mustafa Mujezinović, s. r.

246

Na osnovu člana 19. stav 2. Zakona o Vladi Federacije BiH ("Službene novine Federacije BiH", br. 1/94, 8/95, 58/02, 19/03, 2/06 i 8/06), a u vezi sa članom 21. Zakona o Budžetu u Federaciji BiH ("Službene novine Federacije BiH", br. 19/06, 76/08, 5/09, 32/09, 51/09, 9/10, 36/10 i 45/10), Vlada Federacije Bosne i Hercegovine, na 164. sjednici održanoj 7. marta 2011. godine, donosi

ODLUKU

O USVAJANJU PROGRAMA UTROŠKA SREDSTAVA SA KRITERIJIMA RASPODJELE SREDSTAVA "POTICAJ ZA POLJOPRIVREDU" UTVRĐENIH ODLUKOM O PRIVREMENOM FINANSIRANJU FEDERACIJE BOSNE I HERCEGOVINE ZA PERIOD JANUAR - MART 2011. GODINE FEDERALNOM MINISTARSTVU POLJOPRIVREDE, VODOPRIVREDE I ŠUMARSTVA

I.

Usvaja se Program raspodjele sredstava "Poticaj za poljoprivredu" Federalnog ministarstva poljoprivrede, vodoprivrede i šumarstva (u daljnjem tekstu: Ministarstvo) u ukupnom iznosu od **12.375.000,00 KM** utvrđen u Odluci o privremenom finansiranju Federacije BiH za period januar - mart 2011. godine ("Službene novine Federacije BiH", broj 4/11).

II.

Raspodjela sredstava tekućeg transfera utvrđenih ovom Odlukom izvršena je u skladu sa općim i posebnim kriterijima Programa utroška sredstava sa kriterijima raspodjele sredstava "Poticaj za poljoprivredu" u 2010. godini ("Službene novine

Federacije BiH", br. 7/10, 17/10, 27/10 i 83/10), i Uputstvom za ostvarivanje prava na novčanu podršku u primarnoj poljoprivrednoj proizvodnji ("Službene novine Federacije BiH", br. 17/10, 21/10, 28/10, 49/10 i 83/10).

III.

Raspodjela sredstava poticaj za poljoprivredu izvršena je za programe kako slijedi:

Tabela 1. Raspodjela sredstava poticaja za animalnu proizvodnju

Odj.	Br.	Vrsta podrške	Ukupan iznos podrške (KM)
A/1		Animalna proizvodnja	
	1.	Proizvodnja svježog kravljeg mlijeka (IV kvartal 2010. godine); proizvodnja svježeg ovčijeg i kozijeg mlijeka (IV kvartal 2010. godine); držanje krava u sistemu krava tele - uzgoj iz 2010. godine; tov junadi - ciklus proizvodnje iz 2010. godine; tov svinja - ciklus proizvodnje iz 2010. godine; uzgoj rasplodnih junica (prvotelki) iz 2010. godine; osnovno stado ovaca i koza - uzgoj iz 2010. godine; uzgoj pilenki teških roditeljski linija, lakih roditeljskih linija i uzgoj 18-sedmičnih pilenki iz 2010. godine	5.379.744,70

Tabela 2. Raspodjela sredstava poticaja za biljnu proizvodnju

Odj.	Br.	Vrsta podrške	Ukupan iznos podrške (KM)
A/2		Biljna proizvodnja	
	1.	Proizvodnja povrća za korištenje u svježem stanju i za industrijsku preradu - proizvodnja iz 2010. godine; deklarirane sadnice koštičavog, jabučastog voća, smokve, šipka, masline - proizvodnja iz 2010. godine; deklarirane sadnice jagodastog voća (jagoda, malina, kupina, brusnica, ribizla i ogroz), vinove loze, -proizvodnja iz 2010. godine.	2.793.237,27

Tabela 3. Raspodjela sredstava za podršku investicionim projektima

Odj.	Br.	Vrsta podrške	Ukupan iznos podrške (KM)
B/1		Investicioni projekti	
	1.	Investicioni projekti iz 2010. godine; podizanje višegodišnjih zasada - proljetna i jesenja sadnja iz 2010. godine	3.717.088,64

Tabela 4. Raspodjela sredstava za ostale podrške

Odj.	Br.	Vrsta podrške	Ukupan iznos podrške (KM)
J		Ostale podrške	
	1.	Rezerve	484.929,39
SVEUKUPNO (A/1+A/2+B/1+J)			12.375.000,00

IV.

Ova Odluka stupa na snagu narednog dana od dana objavljivanja u "Službenim novinama Federacije BiH".

V broj 195/11
7. marta 2011. godine
Sarajevo

Premijer
Mustafa Mujezinović, s. r.

Na temelju članka 19. stavak 2. Zakona o Vladi Federacije BiH ("Službene novine Federacije BiH", br. 1/94, 8/95, 58/02, 19/03, 2/06 i 8/06), a u svezi sa člankom 21. Zakona o Proračunu u Federaciji BiH ("Službene novine Federacije BiH", br. 19/06, 76/08, 5/09, 32/09, 51/09, 9/10, 36/10 i 45/10), Vlada Federacije Bosne i Hercegovine, na 164. sjednici održanoj 7. ožujka 2011. godine, donosi